



UNIVERSITÄTS-
BIBLIOTHEK
PADERBORN

Universitätsbibliothek Paderborn

Expedita Juris Divini, Natvralis, Et Ecclesiastici Moralis Expositio

Tamburini, Tommaso

Coloniæ Agrippinæ, 1665

De Duratione prædictarum litterarum. parag. 3.

urn:nbn:de:hbz:466:1-40132

subditis, immo; & Novitiis (sed his cum Patrimonio, vel Beneficio, ut supra dixi, & non ad titulum Paupertatis) quia participant omnia Religiosorum privilegia, dubium ne sit, ut habes de Religiosis apud Quitanadu, & de Novitiis apud Marchinum, aliosque, quos vide de propter varios casus, quos ipsi discutunt.

14. Hic advertere, extare Decretum Clementis b Octavi, quo vult has Dimissorias Regularium debere dari cum duabus conditionibus sub poena privationis officiorum, & vocis activæ, & passivæ Prælati eas non observantis. Prima, ut hæ Dimissoria non dirigantur, nisi ad Episcopum illius Diocesis, ubi habitat Religiosus ordinandus, nisi forte is Episcopus abfuerit, vel ordines non celebraverit. Secunda, ut in Dimissoriis hoc ipsum exprimatur.

15. Verum hoc Decretum, ait Castropalaus non videri usu receptum, quia illud Prælati Regulares observare non solent.

16. Licentiam suscipiendi Ordines, seu Dimissorium concessionem non posse à nostris Societatis Iesu Superioribus localibus dari, sed à Provinciali, vult Pater Noster Generadisp. unis. d An ampliorem potestatem habeant Superiores locales aliarum Religionum, eorum praxis, & ordinationes consulantur.

§. III.

De Duratione prædictarum literarum.

HÆ Dimissoria, seu licentiæ absolute à quocumque legitime concessæ non cessant, lapsu temporis, nam, si tempus fuit limitatum & cessabunt sanè, eo finito tempore, Poterunt ergo dictæ absolute literæ habere effectum post amotionem ab officio, vel mortem concedentis, quia sunt gratiæ factæ, nisi tamen, ut semper supponendum est, à successore non revocentur. Omnes enim licentiæ à quocumque successore, æqualem potestatem habente, revocari possunt.

2. Idem dic, si datæ fuerint à Capitulo Sede vacante: eodem enim modo durabunt, etiam post Sedem plenam, nisi à novo Episcopo revocentur.

3. Verum commendandi sunt ii Episcopi, qui imitantur Sanctum Carolum Borromeum in edictis de Sacra Ordinatione præcipientem, ne Dimissoria sint vetustiores

duobus, vel tribus mensibus à die ultimæ ordinationis computandis, nisi ob absentiam Superioris; commendandi, inquam, sunt, quia in decursu notabili temporis facile mutari ordinandi mores possunt; & ex Agno Lupus evadere promovendus.

CAPUT IX.

De Examine ordinandorum.

DE doctrina, quæ est exploranda in ordinandis dicam infra, nunc solum agendum est de jure, quod Episcopi in iis examinandis habent.

Tridentinum jubet, examen debere præcedere ordinationem, debet, autem fieri à proprio Episcopo, etiam, quoad Religiosos ordinandos.

Possunt tamen Episcopi se remittere examini Superiorum, si non appareat clara ordinandi ignorantia. Possunt etiam committere aliis, quos ipse Episcopus designabit, & possunt etiam in ipsis literis Dimissoriis illos designare, & maxime possunt hoc examinem committere ipsi Episcopo, ad quem subditum suum dimittunt, ut Sacra Congregatio teste Barbosa, declaravit. Si Summus Pontifex alicui Religioni, post hoc Tridentini Decretum, concessit, ut ejus Religiosi absque examine promoverentur, examinari certe ab Episcopis non debent.

3. Quando quis à suo Episcopo examinatus, & approbatus mittitur ad alium Episcopum, adhuc jus integrum est huic Episcopo iterum illum examinandi, quia potest velle cognoscere, cuinam Ordines conferat: non tamen habet obligationem examinandi (quicquid dicat ibidem Barbosa) quia Tridentinum dicens, neminem esse ab alieno ordinandum, nisi prævio examine, non tollit examen posse fieri per alium, ac certe hic alienus Episcopus, dum approbat examen alterius Episcopi, per illum Episcopum, tanquam per suum examinatorem, ipse examinasse, censetur. Excipe, ut modò dixi, nisi clara appareat imperitia promovendi.

